



Hordaland fylkeskommune
Skyss
Postboks 7900
5020 BERGEN

Referanser:

Dykkar:
Vår: 14/310 - 14/1749

Saksbehandlar:

Willy Andre Gjesdal
willy.andre.gjesdal@vaksdal.kommune.no

Dato:

19.03.2014

Kollektivstrategi for Hordaland - Høyringsfråsegn

Høyringsutkast for Kollektivstrategi for Hordaland peiker på at behovet for kollektivløysingar er størst i dei 12 kommunane i Bergensområdet der om lag 90 % av kollektivreisene skjer i dag. Bergensområdet er definert som Bergen, Fjell, Sund, Øygarden, Askøy, Meland, Lindås, Radøy, Osterøy, Vaksdal, Samnanger og Os.

Kollektivtilbodet i og til/frå Vaksdal kommune vert i tillegg til Skyss dekt av jernbane og fylkeskryssande kommersielle liner. Det er ønskjeleg at desse vert samordna slikt at ein har eit effektivt kollektivtilbod for områda aust for Bergen. Her har fylkeskommunen ved Skyss eit særskilt ansvar og bør innta ein pådrivarrolle.

Traséen frå Bergen sentrum til Arna vert omtalt som regional stamline og «på sikt vidare mot Voss», medan dei til andre bydelssentre er bystamliner. Bystamliner kjem i ein heilt anna kategori, og har høgare prioritet enn regionale stamliner.

Vaksdal kommune ønskjer ei bymessig utvikling i traseen Arna - Vaksdal - Voss. Framtidig utvikling av dobbeltspor Bergen - Voss vil bringe dagleg arbeidsreisetid for pendlarar ned til 40 minutt for heile strekninga. Ei framtidig oppgradering til bystamline for deler av traseen vil vere naturleg å sjå i samband med den framtidige utviklinga og eventuelle endringar som måtte kome i samband med kommunereformen. Arne er ein bydel i Bergen, denne delen av banen bør sjøvsagt allereie no anerkjennast som bystamline.

I planen vert det peikt på at parkering langs stoppestadane er eit kommunalt ansvar, men fylkeskommunen har ansvaret for koordinering av kollektivtilbodet og bør ha ein pådrivarrolle «park and ride», som vil vere viktig langs heile strekninga Arna – Voss.

Det er viktig at fylkeskommunen gjennom Skyss tek samfunnsansvar med å ivareta, vidareutvikle og koordinere eit tilbod for offentleg transport også i tynt befolka område i fylket.

Med helsing

Post

post@vaksdal.kommune.no
Konsul Jebsensgt. 16, 5722 Dalekvam

Kontakt

www.vaksdal.kommune.no
Telefon +47 56 59 44 00
Telefaks +47 56 59 44 01

Konto

Org.nr. 961 821 967

Eirik Haga
Ordfører

Willy Andre Gjesdal
Einingsleiar

Brevet er godkjent elektronisk og har difor ingen underskrift.